

P. 693, L. 4【還供養此佛】《法華經授手》卷 9：「再生佛處而再欲興供養者。由念未盡故也。念未盡。即法執未忘。故云『今故現在』。而復聞經八百千萬億偈。正是俱生法執現前之相。今復興供。宜其與父同行也。」(X32,p.793c11-14)「俱生法執」，乃無始時來，熏習成性，常於一切法妄生執著，亦即與身俱生之法執。「分別法執」，謂於邪教、邪師所說之法，分別計度而執為實法。分別之法執，菩薩於見道頓斷之；俱生之法執，於修道漸斷之。～《佛光大辭典》

P. 693, L. 6【佛入中陰國教化】《中陰經》，二卷。姚秦·涼州沙門竺佛念譯。收在《大正藏》第十二冊。此經中說釋迦如來在拘尸那伽雙林於四月八日入滅後，入於中陰，轉名『妙覺如來』，教導一切中陰眾生以大乘之法。凡有十二品。～《中華佛教百科全書》《中陰經》卷 1：「爾時，化佛說此頌時，七十八億百千那由他中陰眾生起無上正真道意，發菩提心。」(T12, p. 1061a15-16)

P. 693, L. 8【七多羅樹】多羅樹，為高大之植物，極高者可達二十五公尺。故譬物體之高大，常謂『七多羅樹』，言其較多羅樹高出七倍。～《佛光大辭典》

P. 693, L. 8【往到佛所】《法華經授手》卷 9：「此明復見前佛之禮讚也。白父是將斷法執之相。臺表行德。乘臺處空而見佛。即行與理冥。讚佛奇妙。而光照十方。是理與智合。昔供而今復覲。亦明由功勳力也。次言世尊今故現在。正是斷法執之時。故下佛即唱滅。」(X32, p. 793c19-23)《法華經大成》卷 8：「坐臺升空者。菩薩以神力燒身。以神力化生。復以神力見佛也。大抵得此三昧。來去自由。縱橫無礙。方稱『普現』之名。三十二相曰奇妙。紫金光聚曰光明。曾供養者。即前生三昧力、正報力二供養也。還親覲者。即今生值遇。又當供養也。問候之語不多。讀之不勝親熱。令人想見當時。重法之殷殷也。觀其容顏奇妙之相。且喜現在之未滅。意謂前生既親近。弟子又轉生矣。何幸又遇復還親近哉。忻忻切切。翹翹顚顚。有不可以言語形盡者。故但云『世尊。世尊。猶故在世。』猶故二字當玩。如云弟子轉生。世尊還在世。正啟下唱滅付囑之意。」(X32, p. 519c2-12)「忻忻」：欣喜得意貌。「翹翹」：引申為惶恐謹慎貌。「顚」ㄒㄨㄣˋ，「顚顚」：1. 肅敬貌。2. 仰慕貌。3. 凝視貌。4. 期待盼望貌。～《漢語大詞典》

P. 693, L. -4【如來付囑】《法華經大成》卷 8：「告一切下。唱滅也。又勅下。付囑也。先總付家業。通指三乘人天等法。及諸下。別囑出世本懷。獨指大乘

佛果。亦以下。付依報國土、正報使役已。我滅下。託身後事。供養舍利、起若干塔也。付囑已竟。出世事畢。故入圓寂。於夜後分者。表無為正位故。」(X32, p. 519c15-19)《法華經授手》卷 9：「唱言時至。而命敷床座。正顯法執將亡，開敷如如正寢之理。夜即正位。涅槃乃大寂滅、一真法界之境。又勅下。明付囑大法。總依正二事，並舍利流通。分明交閣。所以夜後分入涅槃也。故後文起塔、燃臂皆是不違師囑。此處，文雖日月淨明唱入涅槃之語。其實是教喜見破法執之軌也。夜後分。乃最後一念，執盡真顯之時。一真獨露。故言入。如此境界。全是一段工夫。若未得實履。終不親切。」(X32, p. 794a1-8)

P. 694, L. 4【起塔】《法華經大成》卷 8：「悲惱戀慕者。準涅槃經。世尊受純陀最後供已。即說涅槃。欲入滅時。脫却伽黎。上升虛空。唱言：大眾當觀如來金色之身。只此一見。不復再見。如是七度。展轉二十四反示身。二十四反八禪。然後臥師子床。中夜入滅。大眾悲痛感戀。如波羅奢_佉(疑是『花』)。問：見道之人。已斷見愛。何至此乎？答：大士之情。非悲於人而痛於法也。以如來聖道所託。今逝矣。人天眼滅。七眾何依？斯道無傳。亘古長夜。故菩薩悲傷感戀而痛慕之。積，聚也。謂聚此香闍維如來也。疑梅檀為積者。當準此土。佛入滅已。以轉輪王法荼毗。即時作七寶金棺。微妙白氈。兜羅綿。梅檀沉水。百千萬億種種香華等。積如須彌。況彼淨土。庸何疑焉。……收舍利下。起塔莊嚴供養。」(X32, pp. 519 c22-520a17)《法華經授手》卷 9：「此喜見依命奉行也。而生悲感戀慕者。由法難捨故。以梅檀為闍維。具見法之至重。而未能易融。故以至重之功。融至重之法也。火以表智。今破法執。乃重空智。火滅煙消。是理智俱忘。收取舍利者。即法身顯露也。作八萬四千建立。乃圓具八萬四千法門。使法性周徧於一切處也。補註云：高三世界者。即三千世界也。小千至初禪。中千至二禪。大千至三禪。云高三者。至四禪也。」(X32, p. 794a11-18)

P. 694, L. -6【燒臂】《法華經大成》卷 8：「一切大眾。即佛所付之眾。汝等一句。誠無散亂也。臂云百福者。種種因行所感也。七萬等。燒臂時節。問：塔有八萬四千。所起定非一處。一身然臂。何能遍供乎？答：菩薩證諸法實相。稱理而供。不壞一相。而普供無遺也。問：燒身但千二百歲。今燒臂何故七萬二千歲耶？答：前約自行。身盡入滅。今為弘法。令物獲益。故燒身時少而燒臂時長也。又前表破六識中我法二執。今表破七識中我法二執也。」(X32, p. 520a21-b4)《法華經授手》卷 9：「前云見佛滅而生悲感。以火盡而收舍利。乃

喜見頓忘法執之時。今對眾然却百福莊嚴之手。借事以表。欲引諸未得者得。故曰汝等當一心念。此便是受付囑。以法利九界人天也。然我執重而法執輕。本是一翻麤細。二執中各有分別、俱生。而又各具一重麤細。故假藥王苦行而表破除之。前以喜見於淨明法中。精進修行。滿萬二千歲。得現一切色身三昧者。乃是分別我執已盡。而俱生我執現前。故云得現一切色身。須知色身即我也。及至飲諸華香等。又滿千二百歲。以神通而自然身。始得我執俱生盡矣。至此便曰命終。命終則我無存。次曰復生。以法執猶在故也。所以又近淨明德。又聞妙法華。及至淨明亦滅。而亦燒之。佛既不存。而分別法執乃盡。喜見至此云『心猶未足』者。則知俱生法執未盡。故不免將百福莊嚴之妙手。一齊燒却。始得執盡情忘。安家樂業矣。但文字鋪張。處處言破我執法執等。其實證斷之時。功窮力極。只一念間耳。問：上燒身但經千二百歲。今燒臂何故七萬二千歲耶？答：我執麤而法執極細。麤者易融。故只千二百歲。細者難盡。故經時久而融煉深也。況前為自行。此屬受付囑而利一切。所以有無量人得現身三昧也。」(X32, p. 794a22-b19)

六識、七識中我法二執：成唯識論卷一。俱生我執，無始時來，虛妄薰習內因力故；恆與身俱。不待邪教及邪分別，任運而轉；故名俱生。此復二種。一、常相續。在第七識，緣第八識，起自心相，執為實我。二、有間斷。在第六識，緣識所變五取蘊相，或總或別，起自心相，執為實我。此二我執，細故難斷。後修道中，數數修習勝生空觀，方能除滅。成唯識論卷二。俱生法執，無始時來，虛妄薰習內因力故；恆行身俱。不待邪教及邪分別，任運而轉。故名俱生。此復二種。一、常相續。在第七識，緣第八識，起自心相，執為實法。二、有間斷。在第六識，緣識所變蘊處界相，或總或別，起自心相，執為實法。此二法執、細故難斷。後十地中，數數修習勝法空觀，方能除滅。～《法相辭典》

P. 695, L. -6【皆使得住現一切色身三昧】《法華經授手》卷9：「法執既盡。則可以繁興大用。一了一切了。一證一切證。故使會眾皆得我盡。而現一切色身。照上汝等一心念。語不虛發也。」(X32, p. 794b21-23)《法華經大成》卷8：「令發菩提心者。不令此眾住於小果也。皆得住三昧者。以己之所證而證於人也。彼佛以大眾付囑。豈徒然哉。菩薩善繼善述。信不誣也。」(X32, p. 520b7-9)

P. 695, L. -5【自然還復】《法華經指掌疏》卷6：「見其悲哀過分。恐失利益。故於眾中立誓。以安其心也。我捨兩臂。必當得佛金色之身者。顯今雖無臂。

當來成佛。猶能為眾作依止也。恐其不信。故誓以若實不虛。令我兩臂還復如故。誓已還復者。驗知成佛不虛。不惟顯當來之有依。亦不失現前之師教也。由斯句。出還復之由。財施供佛。能感成佛之福。法施供佛。兼致成佛之慧。既淳且厚。不久成佛。故致所言必應。」(X33, p. 668a16-23)《法華經大成》卷 8：「大眾憂惱者。皆謂大士佛法所寄。兩臂既然。形神將沒。如之柰何。由此憂惱。以初心菩薩。愛見未忘故。喜見作誓已全其臂者。達境唯心。物隨心轉。然臂復臂。心之所致也。善伏忍辱復全身等。皆斯旨也。問：兩臂還復。二執復起否？答：前破二執。此表證二空理也。由斯等者。謂燒身身生。然臂臂復。不住之因。稱其性而淳且厚。皆出於福德至誠之力、智慧神通之妙。非今之好奇惑眾也。當爾下。結顯希奇上廣修供養竟。」(X32, p. 520b12-20)《法華經授手》卷 9：「此是大眾示同憂患。以啟喜見之立誓也。學道人。如此憂惱悲哀。不得生。前喜見聞佛欲滅。而生悲感。故得然身身復。然臂臂生。所以不捨不得。今人天大眾。亦有如是悲感。焉知異日不得如是妙證耶。要解云：兩臂表我執法執根本也。我執能生煩惱、續生死。法執能生所知、礙正見。捨一存一。則為二乘。故捨兩臂必當得佛身也。還復如故者。若果得佛。即無所捨矣。此非淺薄所能知。故稱淳厚所致。以非常之事。感非常之瑞。人天因是得大法利也。知音云：此雖敘藥王本有之事。實欲佛滅後諸持經者取法之然。自佛滅度後。誰行精進哉。唯二祖立雪斷臂。堪彷彿耳。特修供養已竟。」(X32, p. 794c1-15)《法華經大竅》卷 6：「捨臂得佛者。言捨法執而必得佛果也。作誓還復者。又見菩薩法執既空。皆隨願力轉也。福慧淳厚所致者。反顯福慧淺劣者不能隨心轉移也。」(X31, p. 810b3-6)《法華經演義》卷 6：「當知百福莊嚴臂。乃是全表定慧。故次云。由斯菩薩福德智慧所致。福德即是定。智慧即是慧。以由定慧。元從性起。今泯修還歸於性。故言捨兩臂也。得佛金色身者。前得普現色身三昧。已是分證。今言必當得佛身。究竟也。兩臂如故者。即是還從性起修。而以定慧教化一切眾生也。」(X33, p. 277a10-16)